




ՊԱՇՏՈՆԱԿԱՆ

Գէորգ ԾԱՌԱՅ ՅԻՍՈՒՄԻ ԴՐԻՍՏՈՍԻ ԵՒ ԱՆՀԱՍԱՆԵԼԻ
ԿԱՄՕԲՆ ԱՍՏՈՒԾՈՅ ԵՊԻՍԿՈՊՈՍԱՊԵՏ ԵՒ ԿԱԹՈՒՂԻԿՈՍ
ԱՄԵՆԱՅՆ ՀԱՅՈՑ, ԵԱՅՐԱԳՈՅՆ ՊԱՏՐԻԱՐԺ ՀԱՄԱԶԳԱ-
ԿԱՆ ՆԱԽԱՄԵԾԱՐ ԱԹՈՌՈՅ ԱՐԱՐԱՏԵԱՆ ԱՌԱՔԵԼԱԿԱՆ
ՄԱՅՐ ԵԿԵՂԵՑԻՈՅ ՍՐԲՈՅ ԿԱԹՈՒՂԻԿԷ ԷԶՄԻԱՇՆԻ

ՆԱԽԱԳԱՀԻ ԱԶԳԱՅԻՆ ՊԱՏԳԱՄԱՒՈՐՈՒԹԵԱՆ
ԵՒ ՆԵՐԿԱՅԱՑՈՒՑԶԻ ՄԵՐՈՒՄ

ՎԱՄԵՄԱՓԱՅԼ ՊՕՂՈՍ ՓԱՇԱՅ ՆՈՒԲԱՐԻ
ՀԱՐԱԶԱՏ ՈՐԴԻՈՅ ՄԱՅՐ ԱԹՈՌՈՅՍ

ՈՂԶՈՅՆ ԵՒ ՕՐՀՆՈՒԹԻՒՆ ՀԱՅՐԱՊԵՏԱԿԱՆ

Տեսեալ Մեր գողըալի և զիրաւագուրկ կացութիւն
հոգեւոր որդւոց Մերոց և զալէկոծեալ վիճակ Տաճկա-Հա-
յաստանի, Հայրապետական Կոնդակաւ ի 10 նոյեմբերի
1912 ամի, ընդ համարաւ 1482, Մեր որպէս Ծայրագոյն
Պատրիարք և Կաթողիկոս ամենայն Հայոց, նշանակեցաք
զՎսեմափայլութիւն Ձեր պատգամաւոր և ներկայացուցիչ
Մեր առաջի Եւրոպական Պետութեանց վասն աշխատելոյ

և յաջողելոյ զբարեկաւումն վիճակի Տաճկահայ ժողովրդեան Մերոյ ի վերայ հիման 61-րդ յօդուածոյ Վեհաժողովոյն Բերլինի:

Ապա ըստ միջնորդութեան Ձերում ի 4-ն յունուարի 1913 ամի կարգեցաք զանդամս Ազգային Պատգամաւորութեան Հայոց ընդ լուսամիտ ղեկավարութեամբ և նախագահութեամբ Ձերով, և Մեք, յուսալով յարդարութիւն Աստուծոյ և ի ճշմարտութիւն Նորա, ամենայն հաւատով և զօրութեամբ հոգւոյս օրհնեցաք զՁեզ, զանկեղծ և զսրբտեռանդն գործունէութիւն Ձեր վասն մարդասէր և սուրբ նպատակի, որ հայի յերջանկութիւն և ի փրկութիւն բազմաշարշար հոգևոր որդւոց Մերոց սիրելեաց և ի պայծառութիւն Հայաստանեայց ս. Եկեղեցւոյ:

Եւ Դուք, Վսեմափայլ Տէր, առլցեալ հայրենասիրական և մարդասիրական մաքուր զգացմամբք, նուիրեցիք յընթացս հնգետասան ամսոց զանձն Ձեր և, շնորհիւ բարձր հեղինակութեան և հոգեկան կարողութեանց Ձերոց, յաջողութեամբ ի կատար ածիք զեղեալն ի վերայ Ձեր զազգային տաքելութիւն մեծ, յուրախութիւն և ի մխիթարութիւն Մեր և համայն ազգիս Հայոց:

Յընթացս եռանդուն գործունէութեան Ձերոյ վասն յաջողութեան խնդրոյ բարենորոգութեանց Տաճկա-Հայաստանի և վասն ապահովութեան Տաճկահայոց, Մեք յուսալից սրտիւ և հոգեկան մխիթարութեամբ իրազեկ լինէաք ի բազմաթիւ պարբերական տեղեկագրոց և ի նամակաց Ձերոց և տեսանէաք զհեռատես աշխատանս և զզուշաւոր զիւանագիտական յարաբերութիւնս Ձեր, որպէս ներկայացուցչի Մերոյ և նախագահի Ազգային Պատգամաւորութեան, ընդ նախարարապետս, նախարարս և դեսպանս Եւրոպական Պետութեանց և ընդ այլ քաղաքական և հասարակական ականաւոր գործիչս լուսաւորեալ ազգաց Եւրոպիոյ, որոց քաջ ըմբռնեալ զբարոյական և զտնտեսական հարստահարութիւնս և զհալածանս Տաճկահայոց, խոստովանէին ի լուր աշխարհի զանհրաժեշտութիւն հաստատելոյ ի Տաճկա-Հայաստանի զկատարեալ ապահովու-

թիւն կենաց, ընչից և պատուոյ հայոց և դարգարադատ իրաւակարգ վասն յարատե խաղաղութեան Թուրքիոյ և Եւրոպիոյ:

Գոհութեամբ դիտէաք ահօք մտացս աստի ի Մայր Աթոռոյ՝ ի Ս. Էջմիածնէս, եթէ որպիսի խորին գիտակցութեամբ, անյողողոյ կամօք և աննկուն ոգւով պաշտպանէիք զիրաւունս և զարդարացի պահանջս հայոց առաջի պետական-քաղաքական պաշտօնէից և գործչաց, նոյնպէս և ի համաժողովս և յազգեցիկ լրագիրս Եւրոպիոյ:

Երախտագիտութեամբ յիշեմք աստ, զի նախաձեռնութեամբ և պաշտպանութեամբ կառավարութեան Ռուսաց և օսմանդակութեամբ Եւրոպական Պետութեանց արդէն իսկ ընկալեալ եղև ի Տաճկաց կառավարութեանէ ծրագիր բարենորոգութեանց Տաճկա-Հայաստանի վասն ընդ փոյթ իրաւագործելոյ դաշնա Զբերկրառիթ իրողութիւնս այս Դռք նախապէս աւետեցիք մեզ հեռագրաւ Ձերով ի մայրաքաղաքէն Ֆրանսիոյ. ապա ընկալաք նաև զպատճէն ծրագրի բարենորոգութեանց, որ է առաջին հանգրուան ազգային քաղաքակրթութեան մերոյ և բարգաւաճման Տաճկաստանի:

Արդարև Դռք, արժանաւոր ժառանգ մեծահամբաւ հօր, ազգօգուտ և մարդասէր գործունէութեամբ Ձերով անմահացուցիք զգրուատելի անուն Ձեր և թողիք զիշատակ բարի և անեղծանելի յազգային պատմութեան մերում. և հաւատամք, զի որպէս այսօր յամենայն կողմանց հողերը զաւակունք մեր յայտնեն զՉերմ համակրանս և զերախտագիտական զգացմունս իւրեանց առ Ձեզ, նոյնպէս և ապագայ սերունդը հայոց միշտ և յաւէտ օրհնութեամբ և երախտագիտութեամբ յիշեսցեն զբարի անուն և զազգային գործս Ձեր:

Ուստի և Մեք՝ Ծայրագոյն Պատրիարք և Կաթողիկոս համայն Հայոց, այսու Հայրապետական Կոնդակաւ Մերով յայտնեմք Վսեմափայլութեան Ձերում զկատարեալ գոհունակութիւն և զսրտագին շնորհակալութիւնս Մեր, սփռելով լիովին օրհնութիւնս ի վերայ Ձեր, ազնուաշուք գերդաստանիդ և սիրտսուն զաւակաց Ձերոց:

Օրհնեմք նաև զանգամա Ազգային Պատգամաւորութեան և զամենայն գործակիցս Ձեր, մաղթելով ի Տեառնէ պարգևել Ձեզ և համայն վաստակաւորաց՝ քաջաւողջութիւն և կեանս երջանկաւետս ընդ յամայր ամս:

Լիայոյ եմք, զի յետ այսորիկ ևս ի դէպոս անհրաժեշտութեան, Դժբ՝ որպէս ներկայացուցիչ Մեր, զնոյն ազգօգուտ և զմարդասէր գործունէութիւն ունիք շարունակել վասն կատարեալ յաջողութեան և իրագործման բարենորոգութեանց հայաբնակ զաւառաց Տաճկաստանի, յանդորրութիւն և յերջանկութիւն բազմատանջ հոգևոր զաւակաց Մերոց:

Ողջ յերուք, պահպանեալ ի խնամսս Առգւոյն, զօրացեալ ի Տէր և յաւէտ օրհնեալ ի Մէնջ. Ամէն:

ԳԷՈՐԳ. Ե. ԿԱԹՈՒԴՈՍ

ԱՄԵՆԱՅՆ ՀԱՅՈՑ

Ի 20. փետրուարի 1914 ամի

Ըստ Տոմարիս ՌՅԿԳ

ի Հայրապետութեան մելում Գ. ամի

յԱրարատեան Մայր Աթոռ ս. Էջմիածնի.

ի Վարդապետ

Թ. 258

ԳԷՈՐԳ ԾԱՌԱՅ ՅԻՍՈՒՍԻ ՔՐԻՍՏՈՍԻ ԵՒ ԱՆՀԱՍԱՆԵԼԻ Կամօն Աստուծոյ Եպիսկոպոսապետ և Կաթողիկոս Ամենայն Հայոց, Ծայրագոյն Պատրիարք Համագահան Նախամեծար Աթոռոյ Արարատեան Առաքելական Մայր Եկեղեցոյ սրբոյ Կաթողիկէ Էջմիածնի

Ամենապատիւ Պատրիարքի Հայոց Տանկասանի, Տաւէն Արեւիսկապոսի Տէր Եղիայեան, հարազատ ողջոյ Մայր Աթոռոյս ողջոյն և օրհնութիւն Հայրապետական:

Ընկալաք զգրութիւն Ամենապատուութեան Ձերոյ յ19 դեկտեմբերի անցելոյ 1913 ամի թ. 1043, ընդ նորոյ կանոնադրի Ս. Յակովբեանց Վանաց Հայոց Երուսաղէմի, որով խնդրէք Հայրապետական յատուկ կոնդակաւ տալ Ձեզ իրաւունս յայտարարելոյ յանուն Մեր՝ միաբանիցն